



ولو خُنت وافي زاد كُره البشر فيك

وأصعب خيانة زوول سُوفة عيونَه

من بعد سُوف العين ما فيه تشكيك

الناس فيها الخيانة والأموونه

خلك أمون وخل طبع الوفا فيك

هذا كلامي للذي يفهموونه

شرواك يا سامع وكل الفهم فيك

كلام غالى بالذهب يكتبوونه

تقراه وأنت اللي ولو رمز يكفيك

الحمد لله



الحمد لله عندي إحساس وشُعور

أعبر عن اللي داخل القلب بأشعار

ماني لفن الشعر والنَّظْم مجبور

هذي مشاعر جارية مثل الأنهار

أعبر عن اللي داخل القلب بسُطور

أكتب وأسطر للتواريخ تذكّار

هذا مساي معطره بأجمل عطور

لأهل الوفا والطيب والناس الأخيار

كل اللي يقرا الشعر في الشعر مذكور

يلقى التحية والوفا عند خوّار

عندي وأنا إبراهيم ما جيه بقصّور



يلقى القصيد الزين لأهل الوفا دار

وإن شاء الله إني مع الكل مستور

يا لله عساني ما يبجي حيطي عُبار

يا لله تبعد عنا الكذب والزور

ما ينفع التبرير فيهن ولا أعدار

علشان باكر يبقى الإنسان مسرور

إذا توفى من بعد شيب وإنذار

وتبدل المسكن جبابين وقبور

هذا أمر حتمي نهاية للأعمار

حياة برزخ بعدها بعث ونشور

إمّا إلى الجنة وإمّا إلى النار

وعسانا ممن يسكن جنان وقصور



برحمة الله هو كريم و غفار

وصلاة ربي عدا ما نور النور

وما تعاقب ظلمة الليل والنهار

على محمد المبعوث نور على نور

نور الهداية عم في كل الأقطار